

江蘇廣陵古籍刻印社

儒

學

元趙道一撰

B956.3

1

:1

元·趙道一撰

儒
鑑
上

江蘇廣陵古籍刻印社

仙 鑒

[元]趙道一撰

江蘇廣陵古籍刻印社 出版發行

(揚州鳳凰橋街24—6號)

金壇市古籍精裝印務有限公司印刷

開本 787×1092 毫米 1/32 印張:74.375

1997年10月第2版 1997年10月第1次印刷

印數:261—760冊

SGBH 7-60101-145-3/B·1 [軟精裝]定價:105元

影印說明

《仙鑒》全稱《歷世真仙體道通鑒》。著者是元代浮雲山聖壽萬年宮道士趙道一，號全陽，其生平已不可考。道一鑒于儒家有《資治通鑒》、佛教有《釋氏通鑒》，故作此書，以補道教之缺。

全書分爲前編五十三卷、續編五卷、後集六集。前編收錄從軒轅至兩宋間飛升、冲舉、尸解、隱化等仙真七百多人。續編主要收錄金元間道教人物。其中又以「全真道」人物爲主。後集收錄女仙真一百二十人。所述神仙之事，雖多附會傳聞之說，但都有所本，保存了不少唐宋以來散佚的道教資料。

因神仙傳說多不記年代，且神仙人物忽前忽後難于編年，故書雖名爲「通鑒」，但卻不按編年，只是取「是天下之人可得而照鑒」之義。又書前也未有目錄，因而搜檢甚不方便。現我社出版該書，爲方便讀者，新編一目錄附于前。

歷世真仙體道通鑑序

白海瓊先生曰晉抱朴子作神仙傳所紀升
有餘人劉綱法師復綴一千六百爲續仙傳
宋朝王太初集仙者九百人爲集仙傳宣和
間考古校今述所得仙者五萬人謂之仙史
盛矣哉 太上無爲之教也每觀超俗至士
潔己高人或孝子忠臣或烈婦貞女傲節於
清虛之地游心於玄妙之鄉欲隱晦以韜光
慕超凡而躋聖故乃嚼渾沌握洪濛餌日月
之精參天地之化澡心而浴性養素以存真

探虛無以爲立鼎之根基究妙有以爲煉丹之藥物鉛升汞降賴水火以烹煎虎躍龍騰仗陰陽而制伏故有金翁姹女之號黃婆丁老之名是皆修煉之祕事昇玄之密旨也

太上垂教字曰金丹得人則傳誓盟授受其

誠一

始也煉精爲氣煉氣成神煉神合道以至羣陰剥盡體變純陽身外有身胎仙變化方曰丹圓九轉法契大成以至積陰功而至三千修德行而逮八百太一符召移居蓬島之間上帝詔徵飛步大羅之境其次功行則四種

尸解百變神遊更且師資有殊有分修習不一或念經持呪飲水吞符或存思運用燕津服氣或餌草木之藥或烹金石之丹萬法千門總歸一道所謂處處垂楊堪繫馬家家有路到長安然惟內煉金丹該括萬化如遵正路如水朝宗故凡尸解飛昇莫不由此超度方其修煉之時也忘世榮華甘心寂澹灰頭垢面破服弊衣或露宿而雨眠或松餐而澗飲或和光而混俗或厭世而避塵散處山林徧遊湖海宴息洞府涉覽世途其庸輩凡流

輕耳賤目者以告稚甲以諭乙此貧道人也
此丐子流也近之者轉身覩之者回盼其有
能尊而事之者幾希有如貴宦者恃圭爵以
爲高富豪者懷金貲以爲重其笑而恥爲之
似者紛紛皆是矣及其潜功外修精心內煉
藏一乘雲馭氣策空駕浮名紀上清身栖碧落則
旒冕屈尊而下拜金紫仰慕而驚心吁吾於
道又何損益哉惟我

元始天尊在昔大浮黎土寶珠說經都竟天
人廓散十方當此之時道浹羣黎恩霑萬有

茂開劫運啓迪真風逮至
無上道君

太上老君繼演斯玄迭振其化暨我
昊天上帝符曆開極真道疑虛梯級羣仙陶
冶萬類白日飛昇之士尸解神變之人自古
迄今益盛而益隆也愚者一介渺微苦耽玄
學欲希度世頗厭俗紛常觀儒家有資治通
鑑釋門有釋氏通鑑惟吾道教斯文獨闕白
海瓊先生之所謂傳所謂史皆不見行於世
間因錄集古今得道仙真事跡究其踐履觀

其是非論之以大道而開化後人進之以忠
言而皈依太上務遵至理不詫虛文但真仙
玩世顯少隱多其所留名百不逮一且傳記
行藏每有聞見之先後蹤跡變化難以次序
而鋪舒是故不可例世間作史編年紀事論
職一也如得一名真仙證道須是詳審校定厥行
三筆削不敢妄書庶幾剖判仙凡垂名者貴人
間天上普見愚衷惟萬劫至人上士鑒之焉
編成名之曰歷世真仙體道通鑑浮雲山聖
壽萬年宮道士臣趙道一再拜焚香謹序

傳聞異辭所傳聞異辭況神仙狡獪或亡氏
名變氏名不可知如張子房傳黃石公即赤
松子赤松子即圯上老人圯上老人即四皓
四皓即東海君東海君即力士人自不悟當
時若非此一老人變化豈有平沙曠野能自
蔽弁蔽力士又豈有路傍兵革間有四老同
處爲上所知而人無聞焉從是而推八公能
老能少眇道士遽如許遽如許皆意生身一
一不足怪又從是而推真誥所稱聖賢忠孝
文人才士古今一氣有隨化而無誠死蓋天

地一人之身也吾天地之身也嘗欲效班孟
堅人名表譜軒轅以來得道之士雖有精有
麤有真有僞然此爲天仙此爲地仙此爲栖
隱如此而修煉成如此而服食效如此而無
成與不幸可師可慕可警可懼不得於其萃
則得於其類如趙文子冠而受教如諸菩薩
一時對佛說法至言滿眼諸門洞開要爲有
益於無窮無量非特記姓名事迹而已古瑞
趙全陽高士乃能會聚劉子政葛稚川至近
年諸書罷精竭力朱窠細字如蟲蝕葉不可

爲萬計雖傳聞所傳聞異而大畧具是矣予
因是又見北方所謂作者皆不爲詭怪方伎
與不可知而自不可及殆真教也有蠹魚者
不可謂知然得仙字食之如髮人者得其髮
食之亦仙全陽寤寐是間食仙也多矣非直
蟬比也儻得其一髮足與老仙共傳敬哉吾
題是集爲顧將軍人物點眼凡質已飛復欲
疑武陵人云我則不暇甲午五月廬陵劉辰
翁書

自昔得仙者皆云名應圖史此圖史在天上

地下名山洞府不係世間度人經言元始說法始青天中十方無極無量品至真大神無鞅之衆浮空而至曰無極曰無量曰無鞅數衆正猶佛書說三世十方河沙數百千萬億那由他不可說不可說諸佛菩薩欲人人而注名姓字之竹帛殆不堪紀更生列仙始赤松終玄俗上不及黃帝稚川神仙始廣成至封君達下不及晉代沈玠續仙謂人間得仙之人猶千不得聞其一真誥載楊君筆受地下主者謂有職位粗相識其無位者不可一

二盡知如此散者無限數也要知玄間有仙籍人間有史籍人不能知仙仙不求聞於人故數目懸而詳畧異耳浮雲山道士趙全陽著仙鑑編纂詳考訂核可謂仙之董狐矣抑余有疑焉職一稚川傳淮南王八公事甚偉謂漢史祕之可矣更生父德治淮南獄得鴻寶枕中書誦之以爲奇及著列仙乃擯淮南八公而不列江鄉間相傳旌陽事迹煥曜耳目及考真誥載諸許真曹家世譜系諱行伯仲羣從上自司徒下至虎牙王斧獨一語不及旌

陽名不挂譜真誥作於梁距東晉不遠未應墮史之闕文良可爲怪今全陽所紀劉安許太史風績相望於列仙真誥得無間然否若天真列聖玄間地位已在經藏若存之仙鑑之目反似挂一漏萬一一具述不可勝書全陽筆削間試重思之闕逢敦牂歲三月中濟中齋叟鄧光薦書于本一庵舊見儒家有夫子禮文史四明斥之曰尊之乃所以小之此考亭所以於白鹿洞亦不欲塑夫子像止於祭時設位也然夫子世系竟

未有過而問者此止齋老因觀復實錄重爲
儒教感也浮雲山道士趙全陽編仙鑑可謂
能人所不能者敢問夫子非海上廣桑山主
宰邪此載之韓滉傳列之金錄黜位者君重
遺之何也豈君所編施仙名存者即孔門三
千之徒而夫子之尊固已隱於辭之所不及
邪噫塵塵刹刹玉皇身總入無邊明鏡裏請
以斯語爲君贊云

進表

臣道一言伏以大道無爲先天地之始真仙